

Mas voto e ricibi riba internet, mas chens e tin

NutzBeatz cla pa subi lista di e Top 100 miho DJnan di mundo

ORANJESTAD (AAN): Actualmente DJMag (djmag.com) ta en busca di e miho DJnan rond mundo y a extendende un invitacion na e comunidad mundial pa vota pa nan por compila e lista di "Top 100 DJs" pa e aña aki. Nos orguyo, NutzBeatz ta entre e DJnan cu tin un chens pa gana un luga riba e lista aki y comunidad di Aruba por yuda den esaki.

Esaki ta e DJ Poll mas grandi na mundo; organizadonan ta conta cu mas di 350 mil votado. E importancia di e lista aki ta grandi pa DJnan pa e cantidad di mas di 1 miyon "views" cu e ta haya despues di su publicacion.

E lista aki a worde compila pa e di prome biaha na aña 1995 y ta worde considera awendia e "benchmark" pa DJnan y pa e clubnan cu ta contrata nan. Pa DJnan rond mundo pa ta riba e lista aki ta di importancia sigur pa nan carera, specialmente pa esunnan cu ta buscando pa subi mercado internacional.

NutzBeatz ta invita comunidad di Aruba, Boneiro y Corsou, unda cu e ta conta cu e fannan di mas great, pa yud'e subi e lista di Top 100 DJs cu nan voto. Bishita e website www.nutznation.com, y sigui e instruccionnan aki: 1. click riba "Vote"; 2. selecta un idioma y click riba "Next"; 3. Vota pa NutzBeatz; 4. "Share". Vota uzando bo smartphone ta mas facil y tur hende tin te cu dia 15 di september 2014 pa vota. No lubida di "share" bo voto y invita bo amigonan pa vota pa nos DJ. NutzBeatz ta conta cu apoyo completo di SETAR y Aruba Tourism Authority (ATA), cu un link pa e votacion tambe riba e paginanan di Facebook di SETAR y ATA. Eldrick Boekhoudt (Nutzbeatz), naci na Aruba, a crece y bira e DJ di musica electronico mas grandi den Caribe Hulandes, cu varios presentacion haci den paisnan Latino Americano (specialmente Venezuela), na Merca, Corsou, Chile, Boneiro, y mas. Na aña 2013 el a firma cu Dirty Dutch y



awor ta forma parti integral di e grupo aki, haciendo presentacion den region Latino Americano. Ya caba el a toca cu DJ nan grandi manera DJ Chuckie, Sunnery James, Ryan Marciano, Nero, Erick Morillo, Hardwell, Fatboy Slim, Dimitri Vegas, Sidney Samson, Afrojack, Shermanology, Nicky Romero y asina por sigui menciona. Tambe el a toca entre algun di esunnan di mas grandi di musica electronico na Mystery Land na Chile y Electric Festival na Aruba; entre otro.